



POLAZNE TAČKE ZA JAVNO ZALAGANJE

16 DAYS OF ACTIVISM AGAINST GENDER VIOLENCE
16 DÍAS DE ACTIVISMO CONTRA LA VIOLENCIA DE GÉNERO
16 JOURS D'ACTIVISME CONTRE LA VIOLENCE DE GENRE
25 NOV - 10 DEC <http://16dayscwggl.rutgers.edu>



Šta je nasilje protiv žena?

Nasilje protiv žena predstavlja sveobuhvatni oblik kršenja ljudskih prava, krizu javnog zdravlja i prepreku, jednakosti, razvoju, sigurnosti i miru. Izrazi "nasilje protiv žena" i "rodno zasnovano nasilje" se koriste u cilju ukazivanja na široki spektar oblika zlostavljanja počinjenih protiv žena koji potiču iz rodne nejednakosti i potčinjenog položaja žena u društvu u odnosu na muškarce. Nasilje protiv žena, uključujući i nasilje počinjeno tokom ratnih sukoba, se koristi u svrhu izazivanja straha, terora i ponižavanja žena, njihovih porodica i zajednica.

1993. godine, [Deklaracija o uklanjanju nasilja protiv žena Ujedinjenih Nacija](#) je definisala nasilje protiv žena kao „bilo koji čin nasilja zasnovanog na polno/rodnoj osnovi koje rezultira, ili može rezultirati, fizičkom, polnom ili psihološkom povredom ili patnjom žene, uključujući i prijetnje takvim djelima, prisilu ili svojevoljno oduzimanje slobode, bilo u javnom ili privatnom životu.” Ova definicija uključuje nasilje koje se desilo u porodici, široj zajednici, kao i nasilje počinjeno ili odobreno od strane države.

Oblici rodno zasnovanog nasilja uključuju, ali se ne ograničavaju na: nasilje u porodici, seksualno zlostavljanje, silovanje, seksualno uznemiravanje, trgovina ženama, prisilna prostitucija i štetne prakse. Ovi oblici nasilja mogu prouzrokovati fizičke, psihološke/mentalne i seksualne probleme, kao i probleme sa reproduktivnim zdravljem. Osim toga, višestruki i međusobno povezani identiteti žena zasnovani na faktorima kao što su klasa, rasa, etnička pripadnost, religija, seksualnost ili status državljanstva mogu uticati na povećanje njihove ranjivosti prema nasilju.

Za više informacija o rodno zasnovanom nasilju, vidi *Činjenice o rodno zasnovanom nasilju* u Resursnom paketu za akciju Kampanje 16 Dana za 2012. godinu, koji je na Engleskom jeziku dostupan na: <http://16dayscwggl.rutgers.edu/2012-campaign/2012-take-action-kit>.

Šta je Kampanja 16 Dana?

U 2012. godini, Kampanja 16 Dana će se nastaviti sa globalnom temom: **Od mira u kući do mira u svijetu: Osporimo militarizam i zaustavimo nasilje protiv žena!** Ove godine Kampanja obilježava treću godinu zalaganja naglašavajući povezanost rodno zasnovanog nasilja i militarizma, i fokusiraće se na tri prioriteta područja:

- Nasilje održavano od strane državnih institucija
- Nasilje u porodici i uloga malog oružja
- Seksualno nasilje tokom i nakon sukoba

Militarizam ostaje ključni izvor nasilja protiv žena. Kao ideologija koja stvara kulturu straha, militarizam podržava korištenje nasilja, agresije i vojnih intervencija kao sredstava rješavanja sporova i provođenja ekonomskih i političkih interesa. Militarizam često ima ozbiljne posljedice za sigurnost i bezbjednost društva u cjelini, uključujući žene, djecu i muškarce.

16 Dana aktivizma protiv rodno zasnovanog nasilja predstavlja globalnu kampanju koja je posvećena zaustavljanju rodno zasnovanog nasilja. Kampanja je pokrenuta 1991. godine na prvom Institutu za globalno liderstvo žena koji je organizovao CWGL. 23 aktivistkinje za ženska ljudska prava širom svijeta su identifikovale su potrebu za podizanjem svijesti na međunarodnom nivou o sistemskoj prirodi nasilja protiv žena i ukazivanjem na nasilje kao kršenje ženskih ljudskih prava.

Kao jednu od strategija podizanja svijesti o rodno zasnovanom nasilju i promovisanja umrežavanja liderica koje su aktivne u ovoj oblasti, učesnice Instituta su uspostavile Kampanju 16 Dana aktivizma protiv rodno zasnovanog nasilja. Početni i završni datum Kampanje su 25. novembar, Međunarodni dan borbe protiv rodno zasnovanog nasilja i 10. decembar, Međunarodni dan ljudskih prava. Ovi datumi su odabrani sa ciljem naglašavanja da rodno zasnovano nasilje predstavlja kršenje ljudskih prava.

Od 1991. godine, preko 4,100 organizacija iz 172 zemlje su učestvovala u Kampanji. Kampanja se koristi kao strategija za

organizovanje od strane pojedinki, pojedinaca i grupa širom svijeta sa ciljem pozivanja na uklanjanja svih oblika nasilja protiv žena putem:

- Podizanja svijesti o rodno zasnovanom nasilju kao pitanju zaštite ljudskih prava na lokalnom, nacionalnom, regionalnom i međunarodnom nivou
- Jačanja lokalnog aktivizma u vezi sa pitanjem rodno zasnovanog nasilja
- Uspostavljanjem jasne veze između lokalnog i međunarodnog rada na suzbijanju nasilja protiv žena
- Osiguravanjem prostora u kojem aktivistkinje, aktivisti, i organizacije koje učestvuju u Kampanji mogu kreirati i dijeliti nove i efikasne strategije
- Kreiranjem alata u svrhu pritiska na vlade da realizuju data obećanja u pravcu uklanjanja rodno zasnovanog nasilja

Možete se povezati sa Kampanjom 16 Dana na nekoliko načina:

- Web stranica, gdje su materijali Kampanje dostupni na 36 jezika: <http://16dayscwgl.rutgers.edu/>
- Online kalendar Kampanje: <http://16dayscwgl.rutgers.edu/campaign-calendar>
- Email: 16days@cwgl.rutgers.edu
- Facebook: <http://www.facebook.com/16DaysCampaign>
- Flickr: <http://www.flickr.com/photos/16dayscampaign>

Šta je odgovornost države?

Kampanja 16 Dana pruža mogućnost da razmislimo šta mi kao aktivistkinje i aktivisti za ženska prava i kao saveznice i saveznici možemo učiniti da pozovemo na odgovornost naše vlade i osporimo strukture koje dozvoljavaju rodno zasnovanom nasilju da se nastavlja. Rodno zasnovano nasilje predstavlja problem koji utiče na sve nas na različitim nivoima, i naše vlade imaju odgovornost da odgovore na ovo nasilje, da ga spriječe, kao i pruže zaštitu.

Jedan od alata kojeg aktivistkinje i aktivisti mogu koristiti kako bi pozvali vlade na odgovornost je [Konvencija o uklanjanju svih oblika diskriminacije protiv žena \(CEDAW\)](#). Usvojena od strane Generalne skupštine Ujedinjenih nacija 1979. godine, CEDAW predstavlja međunarodni pravno obavezujući sporazum koji reguliše program za uklanjanje rodne diskriminacije, uključujući i rodno zasnovano nasilje.

Možete saznati više o CEDAW-u ukoliko posjetite web stranicu Kancelarije visokog komesarijata za ljudska prava Ujedinjenih nacija na: <http://www2.ohchr.org/english/bodies/cedaw/>.

Šta je Centar za globalno liderstvo žena (CWGL)?

Centar za globalno liderstvo žena (CWGL) je smješten u Školi umjetnosti i nauka na Univerzitetu Rutgers u Nju Džersiju, SAD. Osnovan 1989. godine, sa misijom da razvija i pomaže liderstvo žena za ženska ljudska prava i socijalnu pravdu širom svijeta. Rad Centra ima sljedeće ciljeve:

- Unapređenje ekonomskih i socijalnih prava iz feminističke perspektive;
- Promovisanje zaustavljanja nasilja protiv žena i naglašavanje njegove veze sa militarizmom; i
- Izgradnja koalicija i osnaživanje kapaciteta oko pitanja koja su od ključne važnosti za globalni ženski pokret sa ciljem osiguravanja reforme javnih politika na međunarodnom i nacionalnom nivou.

Za više informacija o CWGL-u, uključujući i resurse, štampane materijale i načine na koje se možete uključiti u aktivnosti, posjetite našu web stranicu na: <http://cwgl.rutgers.edu/>.

Povežite se sa nama:

- Email: cwgl@rci.rutgers.edu
- Facebook: <http://www.facebook.com/CenterforWomensGlobalLeadership>
- Flickr: <http://www.flickr.com/photos/cwgl>
- Twitter: https://twitter.com/cwgl_rutgers
- YouTube: <http://www.youtube.com/user/CWGLRutgers>

Translation provided by United Women Banja Luka

<http://www.unitedwomenbl.org>



